

აჭარის ავტონომიური რესპუბლიკის  
უმაღლესი საარჩევნო კომისიის

## გ ა ნ კ ა რ გ უ ლ ე ბ ა № 8

3 აგვისტო 2012 წელი

ქ. ბათუმი

**უმაღლესი საბჭოს 2012 წლის არჩევნების პერიოდში უმაღლეს საარჩევნო კომისიის წევრების, შტატგარეშე მოსამსახურეების სახელფასო განაკვეთისა და რაოდენობის განსაზღვრის შესახებ**

აჭარის ავტონომიური რესპუბლიკის კანონის „აჭარის ავტონომიური რესპუბლიკის უმაღლესი საბჭოს არჩევნების შესახებ“ მე-12 მუხლის პირველი და მე-ნ პუნქტების, მე-13 მუხლის პირველი და მე-2 პუნქტების, მე-15 მუხლის პირველი პუნქტის „ჩ“ ქვეპუნქტის შესაბამისად, უმაღლესი საარჩევნო კომისია ადგენს:

1. საარჩევნო პერიოდში უმაღლეს საარჩევნო კომისიის წევრთა რაოდენობა განისაზღვროს აჭარის ავტონომიური რესპუბლიკის კანონის „აჭარის ავტონომიური რესპუბლიკის უმაღლესი საბჭოს არჩევნების შესახებ“ მე-13 მუხლის პირველი პუნქტის შესაბამისად და მათი თანამდებობრივი სარგოს ოდენობა განისაზღვროს უმაღლესი საარჩევნო კომისიის 2008 წლის 01 აგვისტოს №4 განკარგულებით დამტკიცებულ №1 დანართით გათვალისწინებული შესაბამისი თანამდებობის პირების თანამდებობრივი სარგოს შესაბამისად.

2. განისაზღვროს საარჩევნო პერიოდში დამხმარე მოსამსახურეების და შტატგარეშე მოსამსახურეების რაოდენობა და სახელფასო განაკვეთი თანახმად №1 დანართისა.

3. ამ განკარგულების პირველი პუნქტი ამოქმედდეს უმაღლეს საბჭოს 2012 წლის არჩევნების დანიშვნის დღიდან და მისი მოქმედების ვადა

განისაზღვროს არჩეული უმაღლესი საბჭოს წევრების უფლებამოსილების ცნობამდე დროის მონაკვეთით.

4. ამ განკარგულების მე-2 პუნქტი ამოქმედდეს უმაღლეს საბჭოს 2012 წლის არჩევნების დანიშვნის დღიდან და მისი მოქმედების ვადა განისაზღვროს 3 (სამი) თვის ვადით.

5. ეს განკარგულება შეიძლება გასაჩივრდეს ბათუმის საქალაქო სასამართლოში (მის: ქ. ბათუმი, ზუბალაშვილის ქ. №30) მისი მიღებიდან 2 (ორი) კალენდარული დღის ვადაში.

6. ეს განკარგულება ამოქმედდეს ხელმოწერისთანავე.

კომისიის თავმჯდომარე

ა. მიქელაძე

კომისიის მდივანი

ქ. ჯიქია